

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3853 del 23/12/2025

A kart vor berda hatt daz mindarste 65 djar drau pitt 3600 euro zo khoava sachandar vor di earstn nöat in geschèft un spetziarie konventzionàrt

’Z khinta auz da Silbar Kart Trentino

[Cimbro] ’Z soinda drau 3.600 euro zo zala geplèttra vor di earstn nöat vor laüt boda hãm 65 djar odar mearar un hãm sa zuargètt in toal A von Provintziàl Uantze Schèk. ’Z iz da Silbar Kart Trentino ågenump an vraita atz 19 von kristmånat vodar provitziàl Djunta un boda iz khent gezoaget von vitzevorsitzar Spinelli boda hatt vürgelekk di delibera vürzovüara in prodjèkt. " 'Z iz a sperimentàl maz boda geat zo legase darzuar in åndarn initziativan augelekk vodar provintziàl Djunta zo helva in famildje un in pürgar, übarhaup di sèlln boda gebinnen bintsche un hãm nèt genumma gèlt zo giana vür un ristscharn asó z’soina auzgehakht vo allz – dise di börtar von vitzevorsitzar – in dise lestn djar ’z lem iz khent hèrta taürar un di laüt soin nemear guat nãzostianada. Asó pitt disan prodjèkt saibar guat zo geba eppaz darzuar in sèlln boda sa hãm in Provintziàl Uantze Schèk, zoa azza mang khoavan geplèttra vor di earstn nöat”.

Asó khinta zuargètt, una tantum drau aftn toal A, a hilfe vor di sèlln famildje boda sa hãm in Provintziàl Uantze Schèk – toal A un boda hãm garadege rècht zo habanen.

Dar schütz khint darkhennt in an uantzegeen toal in gãntzan vor 3.600,00 euro boda mage khemmen genützt von sèll bodasan hãm rècht odar von soin delegate durch da Silbar Kart Trentino zo khoava geplèttra in di geschèft odar in di spetziarie konventzionàrt.

Di Provìntz in di bochan boda khemmen bart gian z’sega bele geschèft un spetziarie böllnse konventzionàrn un dena bartze åhevan auzzogeba di kart in sèlln bodasan hãm rècht, boda asó mang gian in di provintziàln Schaltarla boda soin in di lentar zo nemmase.

Intervista in vitzevorsitzar Spinelli

Di pildar

Übarsetzt von Schaltarle vor di zung von Toalkamou vodar Zimbar Hoachebene

(cdt)